

**2008 nr. 121 17. september****Lög um alþjóðlega þróunarsamvinnu Íslands**

Tóku gildi 1. október 2008. Breytt með: L. 126/2008 (tóku gildi 23. okt. 2008). L. 126/2011 (tóku gildi 30. sept. 2011). L. 161/2012 (tóku gildi 3. jan. 2013). L. 122/2015 (tóku gildi 24. des. 2015). L. 71/2019 (tóku gildi 5. júlí 2019).

Ef í lögum þessum er getið um ráðherra eða ráðuneyti án þess að málefnasvið sé tilgreint sérstaklega eða til þess vísað, er átt við **utanríkisráðherra** eða **utanríkisráðuneyti** sem fer með lög þessi.

**■ 1. gr. Almenn tákvaði.**

□ Með lögum þessum er mælt fyrir um alþjóðlega þróunarsamvinnu Íslands.

□ Við framkvæmd alþjóðlegrar þróunarsamvinnu Íslands skal tekið mið af stofnsáttmála Sameinuðu þjóðanna og öðrum alþjóðlegum samþykktum um þróunarsamvinnu sem íslensk stjórnvöld hafa skuldbundið sig til að uppfylla.

□ [Meginmarkmið með alþjóðlegri þróunarsamvinnu Íslands eru að styðja viðleitni stjórnvalda í þróunarlöndum til að útrýma fátækt og hungri og stuðla að sjálfbærri þróun, þ.m.t. mannréttindum, menntun, bættu heilbrigði, jafnrétti kynjanna, umhverfis- og loftslagsvernd og viðbrögðum við loftslagsbreytingum, sjálfbærri nýtingu auðlinda og bættum efnahag. Það heyrir einnig til markmiða þessara að tryggja öryggi á alþjóðavettvangi, m.a. með því að stuðla að friði og gæta hans, vinna að uppbyggingu og gæslu friðar og veita mannúðaraðstoð þar sem hennar er þörf.]<sup>1)</sup>

<sup>1)</sup> L. 122/2015, 1. gr.

**■ 2. gr. Yfirstjórn alþjóðlegrar þróunarsamvinnu Íslands.**

□ [Ráðherra]<sup>1)</sup> fer með yfirstjórn alþjóðlegrar þróunarsamvinnu Íslands.

□ [Ráðuneytið annast alþjóðlega þróunarsamvinnu Íslands samkvæmt stefnu stjórnvalda um alþjóðlega þróunarsamvinnu, sbr. 5. gr.

□ Alþjóðleg þróunarsamvinna Íslands er framkvæmd í samstarfi við alþjóðastofnanir, samstarfslönd, borgarasamtök og aðra aðila eftir því sem við á.]<sup>2)</sup>

<sup>1)</sup> L. 126/2011, 497. gr. <sup>2)</sup> L. 122/2015, 2. gr.

**■ 3. gr. [Þróunarsamvinnunefnd.]**

□ Ráðherra skipar fulltrúa í þróunarsamvinnunefnd og varamenn þeirra til fjögurra ára í senn með eftirfarandi hætti:

a. Formaður nefndarinnar er skipaður án tilnefningar og skal hann vera sérfróður um þróunarmál og hafa reynslu á því sviði.

b. Hver þingflokkur sem á sæti á Alþingi skal tilnefna einn fulltrúa.

c. Fimm fulltrúar skulu skipaðir að höfðu samráði við íslensk borgarasamtök sem starfa að alþjóðlegri þróunarsamvinnu og mannúðaraðstoð.

d. Tveir fulltrúar skulu skipaðir að höfðu samráði við samstarfsnefnd háskólastigsins.

e. Tveir fulltrúar skulu skipaðir í samráði við aðila vinnu- markaðarins.]<sup>1)</sup>

<sup>1)</sup> L. 122/2015, 3. gr.

**■ 4. gr. [Hlutverk þróunarsamvinnunefndar.]**

□ Þróunarsamvinnunefnd skal sinna ráðgefandi hlutverki við stefnumarkandi ákvarðanatöku um alþjóðlega þróunarsamvinnu Íslands til lengri tíma og fylgjast með framkvæmd hennar.

□ Fulltrúi ráðuneytisins skal sitja fundi nefndarinnar.

□ Nefndin skal m.a. fjalla um stefnu um alþjóðlega þróunarsamvinnu og aðgerðaáætlun þar að lútandi, framlög til þróunarsamvinnu, val á samstarfslöndum, þátttöku Íslands

í starfi alþjóðastofnana á sviði þróunarsamvinnu, sem og helstu skýrslur um árangur í þróunarsamvinnu.

□ Nefndin fundar að lágmarki tvisvar á ári með ráðherra og upplýsir utanríkismálanefnd reglulega um störf sín.]<sup>1)</sup>

<sup>1)</sup> L. 122/2015, 4. gr.

**■ 5. gr. [Stefna stjórnvalda um alþjóðlega þróunarsamvinnu.]**

□ Ráðherra leggur fimmta hvert ár fram tillögu til þingsályktunar á Alþingi um stefnu stjórnvalda um alþjóðlega þróunarsamvinnu Íslands til fimm ára í senn þar sem fram koma markmið og áherslur Íslands í málaflokknum. Í aðgerðaáætlun skal kveðið nánar á um framkvæmd stefnunnar.

□ Drög að tillögu til þingsályktunar skv. 1. mgr. skulu lögð fyrir þróunarsamvinnunefnd til umsagnar og skal umsögn hennar fylgja tillögunni til Alþingis.]<sup>1)</sup>

<sup>1)</sup> L. 122/2015, 5. gr.

**■ 6. gr. [Framlög til alþjóðlegrar þróunarsamvinnu.]**

□ Framlög til alþjóðlegrar þróunarsamvinnu skulu greidd úr ríkissjóði eftir því sem ákveðið er í fjárlögum hvers árs.

□ Í stefnu stjórnvalda um alþjóðlega þróunarsamvinnu skal tilgreina fyrirhugað hlutfall framlaga til alþjóðlegrar þróunarsamvinnu af vergum þjóðartekjum og hvernig þau skulu skiptast á grundvelli stefnumiða Íslands í þróunarsamvinnu.]<sup>1)</sup>

<sup>1)</sup> L. 122/2015, 6. gr.

**■ 7. gr. Starfsmenn ríkisins við alþjóðlega þróunarsamvinnu.**

□ [Ráðuneytinu]<sup>1)</sup> er heimilt að ráða starfsmenn til tíma- bundinna starfa við afmörkuð verkefni í þróunarsamvinnu erlendis, þó ekki lengur en fimm ár í senn. [Það getur sagt upp slíkum ráðningarsamningi með þriggja mánaða uppsagnarfresti.]<sup>1)</sup>

□ [Um tímabundna ráðningu sérfræðinga í störf í þágu friðar á vegum alþjóðastofnana fer samkvæmt ákvæðum laga um íslensku friðargæsluna og þátttöku hennar í alþjóðlegri friðargæslu.]<sup>1)</sup>

□ [Starfsmenn ríkisins við þróunarsamvinnu]<sup>1)</sup> erlendis skulu í störfum sínum hafa í heiðri þær þjóðréttarlegu reglur sem Ísland er skuldbundið af og réttaráhrif hafa gagnvart einstaklingum. [Á þeim hvílir þagnarskylda skv. X. kafla stjórnsýslulaga.]<sup>2)</sup> Þeir mega ekki taka þátt í stjórnmalastarfi eða mótmælum í því landi þar sem þeir starfa.

<sup>1)</sup> L. 122/2015, 7. gr. <sup>2)</sup> L. 71/2019, 5. gr.

**■ 8. gr. Framkvæmd, eftirlit og úttektir.**

□ Við framkvæmd þróunarsamvinnu skal fylgja viðurkenndum aðferðum, reglum og leiðbeiningum alþjóðasamfélagsins, m.a. þróunarsamvinnunefndar Efnahags- og framfarastofnunarinnar, og þeim kröfum um meðferð og vörslu fjármuna á sviði þróunarsamvinnu sem Ríkisendurskoðun gerir. [Framkvæmd stefnu stjórnvalda um alþjóðlega þróunarsamvinnu, sbr. 5. gr., skal háð reglulegu eftirliti og úttektum óháðra aðila.]<sup>1)</sup>

<sup>1)</sup> L. 122/2015, 8. gr.

**■ 9. gr. Skýrslur [ráðherra]<sup>1)</sup> og upplýsingagjöf til Alþingis.**

□ [Ráðherra gefur Alþingi skýrslu annað hvert ár um framkvæmd stefnu stjórnvalda um alþjóðlega þróunarsamvinnu Íslands. Samtímis kynnir hann aðgerðaáætlun skv. 1. mgr. 5. gr. til tveggja ára.]<sup>2)</sup>

□ Auk þess sem greinir í 1. mgr. upplýsir ráðherra utanríkismálanefnd og fjárlaganefnd reglulega um framkvæmd alþjóðlegrar þróunarsamvinnu.

<sup>1)</sup> L. 126/2011, 497. gr. <sup>2)</sup> L. 122/2015, 9. gr.

■ [10. gr. *Reglugerðarheimildir.*

□ Ráðherra er heimilt að setja í reglugerð<sup>1)</sup> nánari fyrirbætur um framkvæmd laga þessara, þar á meðal reglur um framkvæmd þróunarsamvinnu Íslands, hlutverk og starfsemi þróunarsamvinnunefndar og það hlutverk sem sendiráð Íslands í samstarfslöndum á sviði þróunarmála gegna við framkvæmd þróunarsamvinnu.<sup>2)</sup>

<sup>1)</sup> Rgl. 1080/2018, sbr. rgl. 193/2020. Rgl. 300/2019. Rg. 1260/2019. Rgl. 1035/2020. <sup>2)</sup> L. 122/2015, 10. gr.

■ [11. gr.]<sup>1)</sup> *Gildistaka og lagaskil.*

□ Lög þessi öðlast þegar gildi.

□ . . .

<sup>1)</sup> L. 122/2015, 10. gr.

**Ákvæði til bráðabirgða.**

■ I.

□ [Þrátt fyrir ákvæði laga þessara skal Þróunarsamvinnustofnun Íslands starfa áfram til 1. janúar 2016, en lögð niður frá og með þeim degi.]<sup>1)</sup>

<sup>1)</sup> L. 122/2015, 11. gr.

■ II.

□ [Ráðuneytið, eða sendiráð í samstarfslöndum í alþjóðlegri þróunarsamvinnu eftir því sem við á, yfirtekur allar

skuldbindingar vegna samninga, þ.m.t. ráðningarsamninga við staðarráðna starfsmenn í umdæmisskrifstofum, áætlana og annarra gerninga sem gerðir hafa verið af hálfu Þróunarsamvinnustofnunar Íslands og í gildi eru þegar stofnunin er lögð niður. Halda þeir óbreyttu gildi sínu, þ.m.t. gildistíma, þrátt fyrir lagabreytingu þessa, nema annað sé sérstaklega ákveðið eða viðeigandi ráðstafanir gerðar. Ráðuneytið yfirtekur jafnframt tímabundna ráðningarsamninga við starfsmenn sem eru við störf á aðalskrifstofu Þróunarsamvinnustofnunar Íslands og erlendis sem í gildi eru þegar stofnunin er lögð niður.]<sup>1)</sup>

<sup>1)</sup> L. 122/2015, 11. gr.

■ [III.

□ Ráðherra skal bjóða fastráðnum starfsmönnum Þróunarsamvinnustofnunar Íslands við störf á aðalskrifstofu og í umdæmisskrifstofum sem eru í ráðningarsambandi við stofnunina við gildistöku laga þessara störf í ráðuneytinu frá þeim tíma er stofnunin er lögð niður. Lög um réttindi og skyldur starfsmanna ríkisins, nr. 70/1996, með síðari breytingum, gilda um starfsmennina og störfin að undanskildu ákvæði 7. gr.]<sup>1)</sup>

<sup>1)</sup> L. 122/2015, 11. gr.